

特約撰述

新界風土名勝大觀

二七

江山故人

(禁止轉載)

第一章 概說

(八) 生活

新界地廣人稀、居民生活甚簡、務農者多、餘如捕魚、種蠶、畜牧、製造等、亦有之也、今述其概況如下、

(農業)

、大致如我國內地、所異者、稍能安定耳、且年來世界各國、經濟崩潰、農村破產、我國農民久已受其影響、新界亦在所難免也、然新界土地多、收穫之收、往來足自給、而外售者則絕鮮矣、耘田而外、亦多植菓

木、以博微資、惟設備不甚周、其能廣設備而樹規模者、當推大埔之康樂園、粉嶺之安樂村、橫洲之娛苑及上水之東英學圃、所植菓、華洋俱備、種類甚繁、而產量亦最宏也、至於各村之出產、其較著者、則有嶺仔之蠶、狗尾粟、蒜頭及青葱、古洞之大薯及生菜、沙田之沙葛、韭菜及枸杞菜、楊屋之蘿蔔、安樂村、林村及荃灣之波蘿、上水之荔枝、白花芥蘭心、頭菜、白菜心及芥菜、鶴薺之糯米仔、大埔

之細花生、木瓜及沙葛、龍頭之梅菜、橫洲之芥菜、楊桃、荔枝及西樞、金銀及荃灣之雞蛋、九龍城之白芥蘭及生菜、至若木棉、金銀、青豈節瓜、莧苗、蒜頭等產、較少也、本港當道及該地紳商、為發展新界農業起見、在一九二七年、即有新界農業會之組織、並於是年、在東英學圃、舉辦第一次新界農展會、以後每年舉行一次、地點則在石湖墟、此所以開拓新生活、保障民利益、意至善也、至今新

界農產頗有進展、每日運來香港及九龍發售之蔬菜約有五百担、每年可十八萬担、最近政府且撥出粉嶺段二萬方尺、以供農業會之用、在別一方面、設設大規模之農品推銷場、使新界各鄉出產有出路之機會也、而廈門罐頭公司則允盡量容納新界所產之胡瓜、本港當道亦於最近聘專家來港、以改進新界農業、並組織新界農村合作社、以期進行改造新界農活、自可抱樂觀也、(未完)

特約撰述
新界風土名勝大觀

二六

江山故人

(禁止轉載)

第一章 概說

(八) 生活

（漁業）新界漁人計有一萬八千餘、若大澳、長洲、博寮洲、蒲台、坑口、西貢、大埔、元朗、橫洲等處、悉爲漁人薈聚之所、漁船頗類大別爲三、曰罟仔、曰釣艇、曰拖船、以拖船爲最大、漁船必兩艘並行中沉巨網、互相拖之、遠如平海汕尾、亦有駛至、有所獲、就近沽之、其行踪至離定、忽而東、忽而西、往往一去半月或一二月始返、其出發處、每次所獲、多至萬金、或千數百金不等、而在船上所

饒晒之鹹魚、墨魚、猶魚、魚卵等。至歸時則售諸晒家寮。亦漁船之一、惟不駛往捕魚、祇向漁船收魚、而轉售於鹹魚棚或海味肆者、一然歲之五六七月間、則下碇不去、故在此時之長洲、大澳、西貢、坑口等處、皆桅檣林立、別饒風韻也。至於罟仔亦多並船而漁、夕去而翌日凌晨歸、以趁早市、釣艇則常見於新界各處沿岸大灣小港中、其漁也、亦有遠出海外者、惟垂綸而不網、時或捕蟹、所獲不多、新界海產之膾炙人口者、有元明欄洲之蟹及蠔、大洲之鮮

魚、長洲之魚卵及大澳之白
花膠、其最著者也、然漁人
生活至窘苦、沐雨櫛風、日
曝浪推、餐宿無定時、視生
命如賭博、其生活之枯燥、
與我國東南沿岸之漁人、無
以異也、
(種蠔)新界蠔田多集於
元朗橫洲一帶、惟所產仍不
甚豐、不能與南頭赤灣兩處
爭雄長者也、然蠔質頗佳、
歲之連售於香港九龍等處者
、獲利不菲也、業此者、先
投瓦片若干於蠔塘、播蠔種
、俟三數年後、始有大蠔生
、採蠔於瓦、去壳取蠔肉、或
放於水中、運市發售、或

榨蠔油、或晒蠔豉、爲用甚廣、新界蠔山向爲農人重視、亦屬該處著名出產、關於蠔山之保存、英國政府與清吏簽訂新界租約時、亦訂有此項條約者也。

(畜牧) 新界山草之宜於畜牧者、有大埔、粉嶺、上水、平山、鑽石山、海墘、均等處、而大埔則有晨餐養雞場、平山有居庸、元壘等畜牧場、海墘均及鑽石山則有牛奶房及較佳之畜牧場、所飼之雞鴨豕等類、皆壯茁者也、最近本港當道擬聘畜牧專家來港、使在新界設畜牧場、勸導農民畜牧及改進新界畜牧事業矣、(未完)

新界畜牧事業矣、(未完)

特約
撰述

新界風土名勝大觀

四七

江山故人

(禁止轉載)

第一章 概說

(八) 生活

(製造)新界居民於農、漁、畜牧而外、致力製造者、衆也、若製腐竹一項、幾爲僑人之副業、即鄉僻壤之間亦常見之者、腐竹寮之多、以八鄉、元朗、屯門、青山、林村、備爲最也、而元朗青山兩處所製者爲至佳、元朗之榨油、製糖、八鄉、新田、粉嶺、大埔及荃灣之蒸酒、屯門羅湖之磚窑、深井之桔水廠啤酒廠、青山之鹽廠、荃灣九龍城之醬園、長洲之魚露廠及醬園、吉澳坪洲之石灰廠、皆容納工人甚多者也、

(教育)新界各鄉之子弟、多就讀於其宗祠內所附設之私塾、教員多由別處聘來者、讀者約有十餘人、或過之、即在小村落間、雖就讀之子弟寥寥不及十人、亦於其家祠內設塾、然則新界鄉村之教育、可謂普遍矣、官立學校共有三間、一在大埔墟、一在均頭、一在長洲、學科偏重英文、讀者約由百餘人至二百餘人、其考列前茅之學子、可直接免費升學於香港皇仁中學或英皇書院、私立女校甚少、祇在大埔墟、大鵬、元朗、西貢及上水見之、每處不過一二間耳、綜計全新界私塾之多、不下千餘間、除私人或鄉中族人

所辦者外、亦有由教會所設立者、其較知名之學校、有元朗之真光、林村之懷遠、船灣之育英、大埔墟之崇德、烏蛟田之豐羣、南涌之靜觀、龍躍頭之崇謙、八鄉之同益、屯門之拔臣、屏山之達德、九華徑之養正等校、惟學費甚昂、教員生活頗清苦也、

(商務)新界商務不甚發達、若大埔墟、元朗墟、長洲、大鵬、西貢、荃灣、屯門、青山八處、稍見繁榮、然所業多以環境之關係而產生者、如米糖油鹽洋貨山貨等類爲最大宗也、至於各村、亦常設一二小雜貨店、以應鄉人之需求、間有

在山徑途中設茶寮、備菓餅等物、規模雖簡、旅行者咸樂就之也、

(習尚)新界居民多屬客籍人、風俗與廣中相同、惟嫁娶儀式極簡、皆用木製小轎、俗稱半轎彩轎、其門書有「鳳凰麒麟同在此」等字樣、若遇民族掃墓節、族人往祭其祖墓者極爲熱烈、歸時設酒歡聚恆達百數十桌、而鄉人咸能耐勞、胼手胝足、立烈日下、以耘其田、成肩重物而跋涉長途、越山跨嶺、皆無倦容、爲人亦藹然可敬、溫恭有禮、是可風也、(此段已完)

